

## Seinirelief, Säämi kulttuurkuávdáš Sajos, sämitige parlamentsali Solju

Eatnu, eadni, eana  
Juvduu, enni, eennâm  
Jäänn, jeá´nn, jânnam  
Eatnu, eadni, eana – virta, emo, maa  
Eatnu, eadni, eana – stream, mother, ground

Outi Pieski  
2012, Staatâ taaidáču ágáldâh

materiaaleh  
– lostâkolledum stääli já keramiik  
– táhti, sämityeji (tâi táhti, táhtiskuážurdem, kásseekedgi- já tanesraŋgâkirjim)

stálieuásih: meetaalrâvdee Mikko Ramsi  
kolledem: Kultaus Oy Snellman  
pastemeh: keraamijkkár Nathalie Lahdenmäki

Tyeji čokkân maanġâin kolledum já vielgiskolledum stáliealdriġijn, moh hámmejeġ maanġátásásii suonjârdeijeġ virde sali siáinán já sárnumstovlin. Ohtân tyeje visuaallâš vuolġásaijeen lii nissoon sämimáccuhist kevttum soljo. Puáris aalmuġârbivyevi mielđ, čiiġâst sorjâjeijeġ kolledum lávġástuvah suojâleh kevttus kovġiimáin paa meddâl šiálgumáin já skilânáin. Munjin tehálâš ovdâkoveolmooš lii lamaš ákkum áđai eejienni Jovsset Biret. Tyeji lii kunneečááitus suulágánáid noonâ säámi nisonáid.

Tyeje uásih láá häämis peeleešt še talđrikeh já tain sorjâjeijeġ pastemeh láá kuáškánġasah. Keraamisij pastemij hámikielâ puátá ärbivuáválâš säámi čuarvipastemist. Tyeje tuoijuudijn lam suoġârdállâm suġâpuolvâi virde ääiġist sehe ohtânkulluuvâšvuodâ mast virde piämmá mii juáhháá.

Talđrikij ase speġâlist tuotâvuodâ jorgod. Tot lii juurdâmaailm, mii speġâlist tievâslâšvuodâ nahhaar já tuoivuu pyerebist, mii ulmust lii. Olssân tot puáhtá mielân säámi aalmuġârbivyevi kufittârijd moh eellih eennâm vyelni siámmaálágán eellim ko mij ulmuuh-uv, mut jorgod. Tyeje elementeh tävisteh tievâslâš rieġgee, šelis kuáškánġas lii tievâslâš puddâ ääiġist. Mut tyeje ubâlâšvuotâ lii sätináálá rievdee já tienievt ääiġi hástusân hiäivulii häämi kävnee.

Tyejeest láá meid ovtâskâščuáġġáh moi hámikielâ puátá säámi ärbivuáváliist njuorâhpáárnâžân rahtum sierâst, skilânâsâst. Stálie rieġgest hiäġġajeijeġ poccoo kyepirtavttijd láá skuážurdum muáđuh já toh láá kárvuttum tanesraŋġâ- já kásseekedġikirjejum láđđeemáccuháid. Tyeje puoh uásih láá olâšittum kietâtyeijijn já tain vuáttoo čepis tyejiáammátlij kiedâ luodđâ. Tot lii kunneečááitus tyejiärbivuáhán, mii lii ohtâ tehálumosijn sämikulttuur pajeentuáliein.

Tavesámikielâst stuorrâ juuvâ, eeni já eennâm kovveijeġe säänih láá aldaluvâi nubijdis. Tuáváduvâid, moh tai saanij tyeġhin láá, halijđâm sämmilâžžân kunnijáttid; suġâpuolvâi ohtânkullojeijeġ virde, säámi noonâ nisonijd já rähis säámi eennâm.

Lassedieđut: Outi Pieski, p.040 7225710 [outi@outipieski.com](mailto:outi@outipieski.com)  
Dáiddačálli Erika Hyryläinen, p. 0400 847 026, [erika.hyrylainen@fn.g.fi](mailto:erika.hyrylainen@fn.g.fi)